



Na osnovu člana 6. i 16. Zakona o zaštiti prava i sloboda nacionalnih manjina ("Sl. list SRJ", br. 11/2002, "Sl. list SCG", br. 1/2003 - Ustavna povelja i "Sl. glasnik RS", br. 72/2009 - dr. zakon, 97/2013 - odluka US i 47/2018), člana 10. i 27. Zakona o nacionalnim savetima nacionalnih manjina ("Sl. glasnik RS", br. 72/2009, 20/2014 - odluka US, 55/2014 i 47/2018) i člana 46. Statuta Bošnjačkog nacionalnog vijeća u Republici Srbiji, Izvršni odbor Vijeća na 69. sjednici održanoj 02.11.2018. godine donosi

Odluku

o pokretanju Javne rasprave o prijedlogu Rezolucije grba i zastave Bošnjaka

Član 1.

Ovom odlukom pokreće se Javna rasprava o prijedlogu Rezolucije grba i zastave Bošnjaka na osnovu zaključka Odbora za izradu prijedloga Rezolucije o grbu i zastavi Bošnjaka Ureda Koordinacije bošnjačkih vijeća.

Član 2.

Odbor za izradu prijedloga Rezolucije o grbu i zastavi Bošnjaka je donio zaključke da: grb i zastava Bošnjaka trebaju odražavati historijski kontinuitet bosanske državnosti i autohtonost bošnjačkog naroda; osnov grba bošnjačkog naroda treba da bude srednjovjekovni bosanski grb sa ljiljanima; Odbor predlaže da zastava bošnjačkog naroda bude bijele boje sa navedenim grbom u sredini; prijedlog izgleda grba i zastave bošnjačkog naroda će biti oglašen na internetskim stranicama bošnjačkih Vijeća u naredna dva (2) mjeseca. Nakon sumiranja rezultata rasprava, Odbor će u roku od mjesec dana, na bazi svih analiza i sugestija, izraditi konačni prijedlog teksta Rezolucije grba i zastave Bošnjaka.

Član 3.

Javna rasprava o prijedlogu Rezolucije grba i zastave Bošnjaka traje od 01. decembra 2018. do 15. marta 2019. godine.

Svi zainteresovani mogu svoje komentare, prijedloge, sugestije na prijedlog uputiti putem maila: odbor.kultura@bnv.org.rs ili pisanim putem na adresu: Bošnjačko nacionalno vijeće u Republici Srbiji, ul. 28. novembra br.60, 36300 Novi Pazar.

Član 4.

Odluku i prilog odluke objaviti na internet stranici Bošnjačko nacionalnog vijeća u Republici Srbiji.

U Novom Pazaru, 02. novembra 2018. godine.
Broj: 926-09/2018.godine

BOŠNJAČKO NACIONALNO VIJEĆE
IZVRŠNI ODBOR VIJEĆA
Predsjednik
Doc. dr. Hasim Mekić

